

Bringamosa

100 YEARS OF WOMEN'S MINISTRY 1898 - 1998

Iglesia Adventista Di siete Dia Ministerio Femenino Di Aruba a celebra dia 14 juni ultimo nan di 100 aniversario. Pa e occasion aki tabata tin na Sociedad Bolivariana un atardi di celebracion. Invitadonan di honor tabata esposa di gobernador Sra. Dora Koolman-Croes, Minister Lili Beke-Martinez y parlamentario Sra. Noris van Lis-Donata, Sra. Ella Yarzagaray y Sra. Glenda Margaretha. Maestra di Ceremonia tabata Sra. M. B u r k l e y -Westerburger.

Ministerio Femenino a wordo funda na 1898 door di Sarepta Henry y na aña 1995 el a bira un departamento completo. Sra. Beyde cu a bin for di Canada a papia di e sistema di sosten na hende muhernan sea cu nan ta sufri den casonan di divorcio of di abuso. Ministerio Femenino ta un lugar unda spiritualmente, incondicional, psiquicamente y social ta na su lugar den misa y comunidad. Hende muhe tin un influencia grandi den e Ministerio Femenino di Iglesia Adventista

100 Years Women's Ministries 1898 - 1998

Proverbs 31/30: Favour is deceitful, and beauty is vain: but a woman that Feareth the lord, she shall be praised.

Di Siete Dia.

Hende Muhe ta ricibi beneficianan di nan forsa spiritual. Locual Ministerio Femenino ta reconoce cu hende muhe tin "don" spiritual y tin atento di yuda hende muhe reconoce esaki y hasi uso di e don aki sino e

lo wordo perdi.

Sra. Omaña di e Union di Venezuela a duna den su predicashi e rol di hende muhe como casa di un pastor cu e ta algo visa versa, hende homber no por sin hende muhe y visa versa. E atardi

tabata tin canto di hobennan masha bunita mes. Nos di Bringamosa ta felicita Iglesia Adventista di Siete Dia Ministerio Femenino Di Aruba cu nan 100 aña di existencia y pa e atardi di placentero.

MINISTRO BEKE NA DEPT. DI ASUNTANAN ECONOMICO



Director di departamento di Asuntanan Economico, Drs. H. van Trikt a ricibi su Excelencia Ministro dr. Lili Beke-Martinez y su comitiva na su despacho na ocasion di e bishita di orientacion. Un punto importante ta e hecho cu Aruba awor ta participa den trainingnan educativo y cultural den e programa "Caribbean Regional Tourism Development Program". Den e programa aki cu anteriormente tabata enfoca riba e islanan ingles den caribe, awor a bira cu nos pais tambe ta forma parti. Drs. Van Trikt tambe a trece dilanti cu tin proyectonan pendiente cu ta vital importancia pa ser continua y ehecuta. Ta prome biaha den historia di Aruba cu un hende muhe ta ocupa puesto di Ministro pa Asuntanan Economico y Turismo y Vice-Prome Ministro alavez.



VACACION

Muy pronto nos muchanan y hobenan estudiante lo tin vakantie. Despues di a traha duro henter aña, e ta un vakantie mereci. Hopi di nos famianan ta bay cu vakantie pero tambe nos tin famianan cu ta keda cas. E ta un temporada hopi druk y nos hobenan ta busca algo pa hasi. Esun cu no ta bai cu vakantie por busca un trabao temporal pa mitar dia y asina ta siña algo y ta haya balor di bida. Cu tur cos no ta por nada. E ta un prueba pa wak con e ta pa tin obligacionan y ta reponsabel. Si bo ta pensa pa den futuro pa bai studia na Hulanda of

Merca of unda cu ta rond mundo bo ta prepara pa esey. Pa nos muchanan chikito cu no ta bay cu vakantie, por organisa weganan cu muchanan ta siña algo for di dje. Pues hungando siñando cu por ta hopi dushi y ta relaha muchanan cu ta hopi activo. Mayornan no mester pensa dificil pero cu atencion y amor ta bal mas cu tur paña y sapato di marca, maske nos ta cumpranan e atencion ta mas importante cu tur cos. Nos di Bringamosa ta deseo tur nos hubentud y muchanan un felis vakantie, gosa hopi!!!!!!!!!!!!!!